

գեւ անտի զայլ իշխանս Լատինաց։ Սակայն երկպառակութիւնն եւ ատելութիւնն, որ անկեալ էր 'ի մէջ էյուպեան գերդաստանին, երթալով երթայր եւ զօրանայր 'ի նպաստ Լատին իշխանաւորաց։ Մէլիք Քեամիլ արձակեաց զեղբայր իւր 'ի վերայ Դամասկոսի պաշարել զնա, և զրկել յիշխանութենէ զեղբորորդի իւր, և ինքն դաշինս եղբնդ թագաւորին Սիկիլիոյ։ տալ զերուսաղէմ Լատինաց, բայց այնու պայմանաւ, չկանգնել վերստին զկործանեալ պարիսպ նորին, չլինել ձեռներեց Սախրայ և Ագոայ կոչեցեալ մղկիթաց, գիւղք և աւանք 'ի Պաղումայ յիգայ մինչեւ յերուսաղէմ հանդերձ Նահանգաւ նորին մնալ 'ի ձեռս Իսլամաց։ և երգուան 'ի վերայ այսմ դաշինն, և յանձն արար Քեամիլ զերուսաղէմ 'ի ձեռս թագաւորին Սիկիլիոյ (1230)։ և Կայսրն հրատարակեաց զնա թագաւոր՝ 'ի մեծ գայթակղութիւն արեւմտեան քրիստոնէից։ ապա եկն առնուլ զթագն Կոնտոսլրէի 'ի սեղանոյ Ս. Գերեզմանին։ եղ զայն 'ի գլուխ իւր և էանց իսկոյն յեւրոպիա։ Իսկ Մէլիք Նասր պաշարեալ զքաղաքն Դամասկոս, արար ժողով մեծամեծաց իւրոց, և ծանոյց նոցա զոր ինչ միանգամ արար Քեամիլ։

Եւ մինչդեռ նոքա ողբային 'ի վերայ կորստեան Երուսաղէմի, եհաս անդ Քեամիլ, և սաստկացուցեալ զպաշարումն էառ զքաղաքն։ և ետ Մէլիք Նասրայ գժերեք, զնովպէք, զՊալգայ և զկողմանս Յորդանանու։

Սակայն Մէլիք Նասր, որ նստէր 'ի Քերեք, իբրեւ լուաւ զլուր մահուան Մէլիք Քեամիլայ, դիմեաց 'ի վերայ Երուսաղէմի եւ պաշարեաց զնա, զորոյ զպարիսպն տակաւ շինէին Լատինք ընդդէմ դաշինն կռելոյ, և սաստկացուցեալ զմարտն կործանեաց զոր շինեալ էին։ և քանդեալ աւերեաց նաեւ զաշտարակն Դաւթի, որ զերծեալ էր յառաջին աւերածէն, և տիրեալ քաղաքին արտաքսեաց անտի զԼատինս, յետ կալոյ նոցա անգամ 11։ Կղերք Լատինաց դարձեալ կանգնեալ էին 'ի սմին ժամանակի սեղան պատարագի 'ի վերայ Սախրայ կոչեցեալ վիմին 'ի մղկիթն Օմարայ, որպէս պատմեն ճանապարհորդք Արաբացւոց։